

Malifalensi nga Nkhani za Unganu wa Umoyu Widu Wachikhristu Ndipuso Uteweti

FEBRUARY 4-10

**CHUMA CHAKUTULIYA M'MAZU NGAKU
CHIUTA | AROMA 1-3**

“Lutirizgani Kusambiza Njuŵi Yinu”

Ivs 18 ¶6

**Kumbi Mungachita Wuli Kuti Muje ndi Njuŵi
Yamampha?**

⁶ Chinanga mbanthu wo aleka kuteŵete Yehova, kanandi nawu aziŵa cho ntchamampha ndi chiheni. Bayibolu likamba kuti: “Maŵanaŵanu ngawu ngatiŵasuska pamwenga kuŵazome-reza.” (Aroma 2:14, 15) Mwakuyeruzgiyapu, wānthu anandi aziŵa kuti kubaya munthu pamwenga kuba nkhuheni. Mwaviyo, chinanga kuti aziŵa cha, kweni alondo njuŵi yawu yo Yehova wakuŵapaska kuti apambanisengi pakati pa chamampha ndi chiheni. Asani achita viyo ndikuti alondo fundu za mijalidu yamampha zo Yehova wakutipaska kuti zitiwovyengi kusankha umampha vinthu.

Ivs 19-20 ¶8-9

**Kumbi Mungachita Wuli Kuti Muje ndi Njuŵi
Yamampha?**

⁸ Wānthu anyaki aŵanaŵana kuti kuvwiya njuŵi yawu kung'anamuwa kulondo waka chechosi cho mtima wawu wakhumba. Yiwu awona kuti angachita chechosi cho akhumba, malinga awona kuti ntchamampha. Kweni tikhumbika kuziŵa kuti te ambula kufikapu ndipu maŵanaŵanu ngidu ngangatipusisa. Kweniso, kulondo maŵanaŵanu ngidu kuchitiska kuti njuŵi yidu yileki kugwira ntchitu umampha. Bayibolu likamba kuti: “Mtima widu ngawakunyenga kuluska chechosi kweniso nguheni ukongwa. Ndiyani yo wangawiziŵa?” (Yeremiyah 17:9) Mwaviyo, tingayamba kuwona chinthu chiheni nge kuti ntchamampha. Mwakuyeruzgiyapu, Paulo wechendasinthi kuja Mkhristu

wāwatombozganga ukongwa wānthu aku Chiuta ndipu wawonanga kuti wachita vinthu vakwenere. Iyu wachitanga venivi ndi njuŵi yamampha. Kweni pati pajumpha nyengu iyu wangukamba kuti: “Yehova ndiyu watindifufuza.” (1 Akorinto 4:4; Machitidu 23:1; 2 Timote 1:3) Paulo wati waziŵa mo Yehova wavwiyangwa ndi vo wachitanga, wanguziŵa kuti wakhumbikanga kusintha. Venivi vititisambiza kuti kuti techendachiti chinthu chechosi, tikhumbika kujifumba kuti, ‘Kumbi Yehova wakhumba kuti ndichiti wuli pa nkhani iy?’

⁹ Munthu yo watanja munyaki wangamuguŵiskiya dala cha. Mwakuyanana waka, nasi tingachitiya dala cha vinthu vo vingaguŵiska Yehova, chifukwa titimuyanja ukongwa. Kopa kuguŵiska Yehova ndiku kutenere kuja panthazi pa umoyu widu. Nehemiya ntchakuwoniyapu chamampha pa nkhani iy. Iyu wangukana kugwiriskiya ntchitu udindu waki kuti wakhupuki. Ntchifukwa wuli wanguchita viyo? Iyu wangukamba kuti “wawopanga Chiuta.” (Nehemiya 5:15) Nehemiya wakhumbanga cha kuchita chechosi cho chatingi chiguŵiskengi Yehova. Nge mo Nehemiya wanguchitiya, nasi titopa kuguŵiska Yehova mwakuchitiya dala vinthu viheni. Kuŵerenga Bayibolu kungatiwovya kuti tiziŵi vinthu vo vikondwesa Yehova.—Wonani Fundu Yakukumaliya 6.

Kufufuza Fundu Zakuzirwa za M'Bayibolu

w08 6/15 30 ¶5

**Fundu Zikulu Zakutuliya Mukalata Yakuluta
kwa Aroma**

3:4. Asani vo wānthu akamba vipambana ndi vo Chiuta wakamba mu Bayibolu, tiyesesa kuti “Chiuta waje muneneska.” Kugomezga uthenga wa mu Bayibolu ndipuso kuchita vo Chiuta wakhumba ndiku kutitiwovya kuti tichitengi

venivi. Asani tipharazga uthenga wa Ufumu mwaphamphu kweniso asani tigwiraku ntchitu yakovyâ wantru kuti aje akusambira ndikuti titiwawovya kuti aziwi kuti Chiuta ndi muneneska.

w08 6/15 29 ¶6

Fundu Zikulu Zakutuliya Mukalata Yakuluta kwa Aroma

3:24, 25—Kumbi “sembi yakuwombole yo Khristu Yesu wakupereka” yikubenekekere wuli “maubudi ngo ngakuchitika kali” sembi iyi yechendaperekeli? Uchimi wakwamba wakukwaskana ndi Mesiya wo ukulembeka pa Chiyambo 3:15, unguiskika mu 33 C.E. pa nyengu yo Yesu wangufwiya pachimiti chakutombozgekiyapu. (Aga. 3:13, 16) Yehova wati wakamba uchimi uwu, venga nge kuti sembi iyi yaperekeli kali chifukwa palivi chechosi cho chingamutondekesa kufiska khumbu laki. Mwaviyo, chifukwa cha sembi yaku Yesu Khristu yo yikuperekeli, Yehova wangugowoke maubudi nga wana aku Adamu wo agomezganga layizgu lenili. Sembii yeniyi yitovya so kuti wantru wo wengaku Chikhristu chechendayambi aziyuskiki.—Machi. 24:15.

FEBRUARY 11-17

CHUMA CHAKUTULIYA M’MAZU NGAKU CHIUTA | AROMA 4-6

“Chiuta Watilongo Chanju Chaki”

w11 6/15 12 ¶5

Chiuta Watilongo Chanju Chaki

⁵ Pakwamba nkhanii iyi, Paulo wangukonkhosta kuti: “Nge mo ubudi ukuselere mucharu kuziya mwa muntru yumoza, ndi nyifwa chifukwa cha ubudi, ndipu nyifwa yikusapaliya ku wantru wosi chifukwa wosi akubuda.” (Aro. 5:12) Tiziwa venivi chifukwa Chiuta wangutuma wantru kuti alembi mo umoyu wa wantru ukwambiya. Pakwamba, Yehova wangulenga wantru wa wi, Adamu ndi Heva. Mulengi widu

ngwakufikapu ndipu apapi widu akwamba nawu so wenga akufikapu. Chiuta wanguwapaska dangu limoza pe ndipu wanguwakambiya kuti asani alekengi kuvviya afwengi. (Chiya. 2:17) Kweni yiwi angusankha kuchita vinthu vo vinguwapweteka ndipu anguvviya cha vo Chiuta wanguwakambiya. Mwaviyo, vo yiwi anguchita vingulongo kuti akana kuti Chiuta ndiyu ngwakwenere kuwapaska marangu kweniso kuwalamuliya.—Mara. 32:4, 5.

w11 6/15 12 ¶6

Chiuta Watilongo Chanju Chaki

⁶ Adamu wangwamba kubala wana wati wabuda kali. Mwaviyo, ubudi waki unguyambukiya so wana waki wosi ndipu angwamba kukumana ndi masuzgu. Wana aku Adamu anguphwanyaku cha dangu laku Chiuta nge mo anguchtiya awusewu. Ndichu chifukwa chaki yiwi angumbika mlandu wakuyanana ndi wa awusewu cha. Kweniso pa nyengu iyi ndipu wana aku Adamu wechendapaskiki marangu. (Chiya. 2:17) Chinanga kuti venga viyo, wana yawa anguhara mbwenu ubudi wa awusewu. Mwaviyo, ubudi ndi nyifwa vingwamba kulamuliya mpaka pa nyengu yo Chiuta wanguwapaskiya marangu Ayisirayeli. Marangu ngenanga nganguwawovya kuziwa kuti mbakubuda. (*Werengani Aroma 5:13, 14.*) Masuzgu ngo ngatuza chifukwa cha ubudi ngangayeruzgikiya ndi chilema pamwenga matenda nganyaki ngo muntru watole kwa apapi waki, nge matenda ngakumala ndopa pamwenga kutaya ndopa zinandi kwambula kulekeza asani muntru wapwetekela. Mbuneneska kuti nyengu zinyaki wana anyaki angasuzgika cha ndi matenda ngenanga kweni angayambuzgiya wana wawu wo angazibala. Kweni ndimu viliri cha ndi ubudi chifukwa palivi muntru yo waleka kukwaskika ndi ubudi waku Adamu. Ndipu nyengu zosi ubudi uwu uzisa nyifwa. Mwana weyosi wayambuwaku ubudi wenuwu. Kumbi ubudi wenuwu ungatuzgikapu?

w11 6/15 13 ¶9-10

Chiuta Watilongo Chanju Chaki

⁹ Kumbi mazu nga Chigiriki ngo ngakufwatu-
lika kuti “kukambika kuti mbarunji” kweniso
ngakuti “akambiki kuti mbarunji” ngang’ana-
namuwanji? Munthu munyaki yo wagwiranga
ntchitu yakufwatuliya Bayibolu wangukamba
kuti: “Mazu yanga ngakuphiphirisa ndipu ngay-
eruzgiya nkhanzi iyi ndi vo vichitika mukhoti.
Ngakamba ukongwa za mo Chiuta watimu-
wone munthu yo sonu kupambana ndi mo
wamuwoniyanga pakwamba . . . Ve nge kuti
munthu munyaki wambika mulandu wakuti wa-
chita vinthu vambula urunji. Kweni Chiuta yo
ngakuyeruzga, wakamba kuti munthu yo wa-
livi mulandu.”

¹⁰ Kumbi “Wakuyeruzga wa charu chosi” wa-
ngafwatuwa munthu wambula urunji pa
vifukwa nivi? (Chiya. 18:25) Kuti ivi vichitiki,
Chiuta wangutuma Mwana waki wapade pa-
charu chapasi. Iyu wanguchita venivi chifukwa
cha chanju. Yesu wanguchita khumbu la Awisi
kwambula kunangisapu kekosi chinanga
kuti wakumananga ndi mayeseru, wasekeka-
nga ukongwa kweniso watombozgkanga. Iyu
wangulutirizga kuja wakugomezgeka mpaka po
wangufwiya pa chimiti chakutombozgekiyapu.
(Ahe. 2:10) Yesu wangupereka sembi umoyu
waki wakufikapu kuti wafwatuwi pamwenga
kuti wawombo wana aku Adamu ku ubudi ndi
nyifwa.—Mate. 20:28; Aro. 5:6-8.

Kufufuza Fundu Zakuzirwa za M’Bayibolu

w08 6/15 29 ¶7

Fundu Zikulu Zakutuliya Mukalata Yakuluta kwa Aroma

**6:3-5—Kumbi kubatizika mwaku Khristu Yesu
kweniso kubatizika mu nyifwa yaki kung’ana-
muwanji?** Asani Yehova wasankha akusambira
aku Yesu ndi mzimu wakupaturika, yiwu akoli-
yana ndi Yesu ndipu aja chigawa cha mpingu,
wo ndi liwau laku Khristu. Ndipu Khristu ndi-

yu mutu wa mpingu wenuwu. (1 Akori. 12:12,
13, 27; Ako. 1:18) Kwenuku ndiku kubatizika
mwaku Khristu Yesu. Akhristu akusankhika
‘abatizika so mu nyifwa yaku [Khristu]’ chi-
fukwa aja umoyu wambula kukhumba vinandi
kweniso aleka kuja ndi chilindizga chakuzija
ndi umoyu wamuyaya pacharu chapasi. Mwa-
viyo, nyifwa yawu nayu yija nge sembi, nge
mo yenge nyifwa yaku Yesu, chinanga kuti
nyifwa yawu yiwombo wantru cha. Kubatizika
mu nyifwa yaku Khristu kumala asani Akhristu
akusankhika wenawa wafwa ndi kuyuskikiya
kuchanya.

w14 6/1 11 ¶1

Ntchintru Wuli cho Chazamuchitikiya Ambu- yafwi wo Akufwa Kali?

Asani wantru ambula urunji aziyuskika, kumbi
azamuyeruzgika chifukwa cha vo achitanga
wechendafwi? Awa. Lemba la Aroma 6:7 li-
kamba kuti: “Munthu yo wafwa, wafwatulika
ku ubudi waki.” Mwaviyo, chifukwa chakuti
angufwa, mphurupuru zazu zikumala. Ndi-
chu chifukwa chaki azamuyeruzgika pa vinthu
vo anguchita wechendafwi cha kweni vo
azamuchita asani aziyuskika. Kumbi yiwu aza-
muyanduwa wuli?

FEBRUARY 18-24

CHUMA CHAKUTULIYA M’MAZU NGAKU CHIUTA | AROMA 7-8

“Kumbi ‘Mulindizga mwakunweka?’”

w12 7/15 11 ¶17

Zomerezani Kuti Yehova Wakulongozgiyeni ku Wanangwa Weneku

¹⁷ Pakukamba za wanangwa wo Yehova wa-
zamupaska wantru waki, Paulo wangukamba
kuti: “Chilengedu chilindizga mwakunweka ku-
vumbulika kwa wana aku Chiuta.” Pavuli paki
wangukamba so kuti: “Chilengedu chenichi
chazamufwatulika ku ukapolu wa kuvunda ndi
kuja ndi wanangwa waunkhankhu wa wana aku

Chiuta.” (Aro. 8:19-21) Mazu ngakuti “chilengedu” pa lemba ili ngakamba za wānthu wo wē ndi chilindizga chakuzija pacharu chapasi wo azamuyanduwa ukongwa ndi “kuvumbulika” kwa wāna aku Chiuta wo akusankhika ndi mzimu. Kuvumbulika kwenuku kwazamukwamba asani “wāna” wēnawā aziyusikiya kuchanya kweniso asani aziyamba kuwovyana ndi Khristu pakutuzgapu viheni vosi pacharu ndi kutaska “mzinda ukulu” kuti usere mucharu chifya.—Chivu. 7:9, 14.

w12 3/15 23 ¶11

Tikondwengi ndi Chilindizga Chidu

¹¹ Yehova ndiyu wakupaska wānthu chilindizga chifukwa wakulayizga kuti wazakuwāwataska ku “njoka yakali ukongwa” yo yidanika kuti Satana Dyaboli. Kuti venivi vifiskiki, iyu wazamugwiriskiya ntchitu mbewu yakulayizgika. (Chivu. 12:9; Chiya. 3:15) Yesu Khristu ndiyu chigāwa chakwamba cha “mbewu” yeniyi. (Aga. 3:16) Kufwa ndipuso kuyuskika kwa-ku Yesu mbukaboni ukulu ukongwa wakuti chilindizga cho wānthu wēnachu chakuti azamufwatulika ku ukapolu wa ubudi ndi nyifwa ntchauneneska. Kufiskika kwa chilindizga chenichi kukoliyana ndi nyengu ya “kuvumbulika kwa wāna aku Chiuta.” Akhristu akusankhika ndi wāna chigāwa chachiwi cha “mbewu.” Yiwu ‘azamuvumbulika’ pa nyengu yo azamuwovyiyana ndi Khristu pakutuzgapu vinthu vosi viheni va mucharu chaku Satana ichi. (Chivu. 2:26, 27) Venivi vazamuwovyaa kuti mbereri zinyaki zo zazamupona pa chisuzgu chikulu zizitaski.—Chivu. 7:9, 10, 14.

w12 3/15 23 ¶12

Tikondwengi ndi Chilindizga Chidu

¹² “Chilengedu” chazamupuwa nadi mu Ulamuliru Waku Khristu wa vyaka 1000. Pa nyengu iyi “wāna aku Chiuta” a unkhakhu azamuvumbulika so pa nyengu yo azamugwira so ntchitu nge asembi limoza ndi Khristu, ndipu azamuwovyaa wānthu kuti ayanduwi ndi sembi yaku

Yesu yakuwombole wānthu. Nge zika za Ufumu waku Chiuta, wānthu azamufwatulika ku ubudi ndi nyifwa. Pavuli paki, wānthu akuvwiya azamufwatulika kamanakamana “ku ukapolu wa kuvunda.” Asani azilutirizga kuja akugomezgeka mkatи mwa vyaka 1000 mpaka pakumaliya pa mayeseru ngakumaliya, mazina ngawu ngazamulembeka mu “mpukutu waumoyu.” Pa nyengu iyi azamukondwa ndi “wanangwa wau-nkhankhu wa wāna aku Chiuta.” (Chivu. 20:7, 8, 11, 12) Chenichi ntchilindizga chamampha ukongwa!

Kufufuza Fundu Zakuzirwa za M’Bayibolu

w17.06 3

Kumbi Mukumbuka?

Kumbi “kuŵika māwanaŵanu pa vinthu va liŵavu” kupambana wuli ndi “kuŵika māwanaŵanu pa vinthu va mzimu”? (Aro. 8:6)

Munthu yo wāwika māwanaŵanu pa vinthu vakuliŵavu wachita makhumbiru ngaliŵavu, nyengu zosi wakamba za vinthu vakuliŵavu kweniso wativiwona kuti vakukhumbika ukongwa. Mkhristu yo wāwika māwanaŵanu pa vinthu va mzimu, walongozgeka ndi mzimu utuŵa ndipu wachita vinthu mwakukoliyana ndi vo Chiuta wakhumba kweniso vo wāwanaŵana. Kuŵika māwanaŵanu pa vinthu va liŵavu, kulongozge ku nyifwa kweni kuŵika māwanaŵanu pa vinthu va mzimu, kulongozge ku umoyu wamuyaya.—w16.12, pp. 15-17.

w09 11/15 7 ¶20

Kumbi Mapempheru Nginu Ngalongo Kuti Ndimwi Munthu Wamtundu Wuli?

²⁰ Nyengu zinyaki vingachitika kuti tiziŵa cha vo tingakamba mu pempheru lapakutija. Pau-lo wangukamba kuti: “Suzgu njakuti tiziŵa cha vo titenere kupempha nge mo tikhumbikiya, kweni madandawulu ngo titondeka kuka-mba, mzimu [wakupaturika] uŵeyere mumalu mwaku isi. Kweni [Chiuta] mweniyo wafufuza mitima waziŵa vo mzimu ung’anamuwa.”

(Aro. 8:26, 27) Yehova wakuchitiska kuti mapempheru nganandi ngalembeke mu Bayibolu. Iyu walondere mapempheru ngenanga ngo ngakulembeka kali nge kuti ngatuliya kwa-ku isi ndipu watitichitiya vo takhumbikanga kupempha. Chiuta watitiziwa umampha, ndipu waziwa so umampha vo wangukambiya mzi-mu waki kuti ukambi kuziya mu wantru wo wanguwagwiriskiya ntchitu kuti alembi Bayibolu. Yehova wamuka mapempheru ngidu asani mzimu “uweyere mumalu mwaku isi.” Kweni asani tayamba kungaziwa umampha Mazu Ngaku Chiuta, fundu zakuti tikambi mu pempheru zituza liwi ukongwa mumawanaawanu ngidu.

FEBRUARY 25–MARCH 3

CHUMA CHAKUTULIYA M’MAZU NGAKU CHIUTA | AROMA 9-11

“Ntharika ya Chimiti cha Maolivi”

w11 5/15 23 ¶13

‘Zeru Zaku Chiuta Zapachanya Ukongwa!’

¹³ Paulo wangueruzgiya wantru wo we mugulu la mbewu yaku Abrahamu ndi mphanda za chimiti cha maolivi chakuyeruzgiya. (Aro. 11:21) Chimiti cha maolivi chakuchita kupanda chimiya kufiskika kwa chilatu chaku Chiuta cho wenga nachu pakwamba po wachitanga phanganu ndi Abrahamu. Msisi wa chimiti ichi ngwakupaturika ndipu umiya Yehova yo wapereka umoyu kwa Ayisirayeli auzimu. (Yesa. 10:20; Aro. 11:16) Chisina cha chimiti cha maolivi ichi chimiya Yesu chifukwa ndiyu chigawa chakwamba cha mbewu yaku Abrahamu. Mphanda zosi za chimiti ichi, zimiya “chiwenergeru chakukwana” cha wantru wo we mugulu lachiwi la mbewu yaku Abrahamu.

w11 5/15 24 ¶15

‘Zeru Zaku Chiuta Zapachanya Ukongwa!’

¹⁵ Kumbi Yehova wangufiska wuli chilatu chaki? Paulo wangukonkhoska kuti mphanda za

chimiti cha maolivi chamudondu zingubatikika kuchimiti cha maolivi chakuchita kupanda kuti zisere mumalu mwa zo zingudumulika. (*Weren-gani Aroma 11:17, 18.*) Mwaviyo, tingakamba kuti Akhristu akusankhika amitundu yinyaki wo wenga mumpingu wa ku Roma, angubatikika kuchimiti cha maolivi mwakuphiphirisa. Venivi vinguchitiska kuti nawu aje chigawa cha mbewu yaku Abrahamu. Pakwamba wenga nge mphanda za chimiti cha maolivi chamudondu ndipu wengavi mwawi wewosi wakuja chigawa cha phanganu lapade lenili. Kweni Yehova wanguwajuliya nthowa kuti aje Ayuda auzimu. —Aro. 2:28, 29.

w11 5/15 25 ¶19

‘Zeru Zaku Chiuta Zapachanya Ukongwa!’

¹⁹ Khumbu laku Yehova lakukwaskana ndi “Isirayeli waku Chiuta” lifiskika mwakuziziswa ukongwa. (Aga. 6:16) Malinga ndi vo Paulo wangukamba, “Ayisirayeli wosi azamutaskika.” (Aro. 11:26) Mu nyengu yakuwikkika yaku Yehova, “Ayisirayeli wosi,” kung’anamuwa chiwenergeru chakukwana cha Ayisirayeli auzimu, azamuluta kuchanya kuchitewete nge mafumu kweniso asembi. Palivi chechosi cho chingatondekesa khumbu laku Yehova!

Kufufuza Fundu Zakuzirwa za M’Bayibolu

w13 6/15 25 ¶5

Zomerezani Ulongozgi Waku Yehova Kuti Ukuwumbeni

⁵ Kumbi Chiuta wagwiriskiya wuli ntchitu udinu waki asani wantru akana kuwumbika ndi iyu, yo ndi Wakuwumba Mura? Wanaawaniyani vo vichitika asani wakuwumba watondeka kuwumba chiyawi cho wakhumbanga chifukwa chakuti dongu ndamampha cha. Wakuwumba wangawumba chiyawi chinyaki pamwenga kutaya waka dongu lo. Asani dongu ndiheni, kanandi suzgu yituwa ndi wakuwumba. Kweni ivi vipambana ndi Wakuwumba widu. (Mara. 32:4) Asani muntru wasintha cha po Yehova

watimuwumba, ndikuti munthu yo ndiyu ngwakusuzga. Yehova wagwiriskiya ntchitu udindu waki pa wantru nge mo wachitiya wakuwumba viyawî, iyu wasintha kachitiru ka vinthu mwakukoliyana ndi mo wantru achitiya asani awumbika. Wantru wo azomereza kuwumbika ayanduwa ukongwa. Mwakuyeruzgiyapu, Akhristu akusankhika ndi “viyawî va lisungu” ndipu awumbika kuti aje ‘viyawî vakuzirwa.’ Kweni wantru wo asuska Chiuta we mugulu la “viyawî va ukali vakwenere kunangika.”—Aro. 9:19-23.

it-1 1260 ¶2

Sanji

Phamphu Lambula Kwenere. Munyaki wangaja ndi phamphu lamampha pamwenga sanji zamampha pa vifukwa vinyaki kweni wangachita vinthu vambula kwenere vo Chiuta wangakondwa navu cha. Ndimu venge ndi Ayuda anandi munyengu ya akutumika. Yiwu ayesesanga kulondo Dangu laku Mozesi muvakuchita vawu vosi kuti ajilongo kuti mbarunji ukongwa.

Kweni Paulo wangulongo kuti phamphu lawu lenga lambula kwenere chifukwa aziwanga vintru mwauneneska cha. Ndichu chifukwa chaki angulondiyaku cha urunji chayiwu wakutulya kwaku Chiuta. Yiwu akhumbikanga kuziwa vo anangisanga ndi kupempha Chiuta kuziya mwaku Khristu kuti aje arunji ndipuso afwatuksi ku vo Dangu lakambanga. (Aro. 10:1-10) Saulo wa ku Tariso wenga yumoza wa wantru wo alondonga ukongwa marangu nga Ayuda ndipu wangufika mpaka pa ‘kuwutombozga ukongwa mpingu waku Chiuta ndi kuwunanga.’ Iyu wangalondonga ukongwa marangu ndipu wawonanga kuti ‘wenga wambula kalema.’ (Aga. 1:13, 14; Afi. 3:6) Kweni phamphu laki pa nkhanî yakulondo ukongwa marangu nga Ayuda lenga lambula kwenere. Iyu wengavi chinyengu mumtima waki. Ndichu chifukwa chaki Yehova wangumuchitiya lisungu likulu kuziya mwaku Khristu ndipu wangumusintha kuti wayambi kusopa Chiuta mwauneneska. —1 Timo. 1:12, 13.

